山庫全幸

史部

全書通志卷一百二十二

編修臣裴謙覆勘 覆校官的教臣金學詩 校對官助教臣黄昌禔 腾銀舉人臣楊北豐

詳校官編修臣李 潢

てこり 5日前日 11 PRO MINITED 通志 弟從弟 行 樵 志弟 子珽郭 王渾新王清 漁 舒樂廣 諶 華春 仲 撰 鄭家 唐

謂應之舒曰當為外氏成此宅相久 起字相字者云當出貴甥外祖母以魏氏甥小而慧意 多月口屋有電 寸姿望秀偉飲酒石餘而遅鈍質朴不為鄉親所重 舒堪數百户長我願畢矣舒亦不以介意不修常 叔父吏部即衡有名當世亦不之知使守水难每嗤 舒字陽元任城樊人也少孤為外家軍氏所養軍氏 不為皎厲之事每欲容才長物終不願人之短性 恒 弟恒 **啄石鑒** 温美 卷一百二十二 乃別居身長八

俄而聞車馬之聲相問曰男也女也曰男書之十五以 可以為高耳舒曰若試而不中其負在我安可虛竊 四十餘郡上計據察孝應宗黨以舒無學業勘令不就 生兒何在口因條桑為斧傷而死舒自知當為公矣年 兵死復問寢者為誰曰魏公舒後十五載韵主人問 之常振其匱乏舒受而不辭舒當韵野王主人妻夜産 好騎射着韋衣入山澤以漁獵為事惟太原王又謂 2. 17:1 柳終為台輔然今未能令妻子免飢寒吾當助鄉營 通志

其才者罷之舒曰吾即其人也襆被而出同僚素無清 第除渑池長遷浚儀令入為尚書即時欲沙汰即官非 有敵者無嘆而謝曰吾不足以盡卿才有如此射矣豈 毓初不知其善射舒容範開雅發無不中舉坐愕然莫 論者皆有愧色談者稱之累遷後將軍鍾毓長史毓每 就之高以為已禁乎遂自課百日習一經因而對策升 與參佐射舒常為畫籌而已後遇朋人不足以舒滿數 事哉轉相國參軍封劇陽子府朝碎務未當見是非

敏定正庫全書

卷一百二十二

武帝以舒清素特賜絹百疋遷尚書以公事當免官部 騎常侍出為其州刺史在州三年以簡惠稱入為侍中 之表文帝深器重之每朝會坐罷目送之曰魏舒堂堂 濤張華等以六合混一宜用古典封禪東嶽前後累陳 至於廢興大事衆人其能斷者舒徐為籌之多出衆議 人之領袖也遷宜陽榮陽二郡太守甚有聲稱徵拜散 以贖論舒三娶妻皆亡是歲自表乞假還本郡葬妻詔 ころり見られる 項錢五十萬太康初拜右僕射舒與衛瓘山 通志

辟者舒乃命之而竟無患識者以此稱其達命以年 為諸府所辟辟書既下公轉丧亡魚號為殺公豫莫有 舒有威重德望禄賜散之九族家無餘財陳留問震累 光禄大夫儀同三司及山濤嘉以舒領司徒有頃即真 其事帝讓讓不許以舒為左僕射領吏部舒上言令選 六宮聘以玉帛而舊使御府丞奉聘宣成嘉禮贄重使 使韵者於典制為引有部詳之衆議異同遂寢加右 以為拜三夫人宜使卿九嬪使五官中即將美人良

国员四尾石書

卷一百二十二

丞卻說與舒書曰公久疾小差視事是也唯上所念何 意起記還卧屈身廻法甚失具膽之望公少立巍巍 旦棄之可不惜哉舒稱疾如初後以災異遜位帝不聽 子舎人置官騎十人使光禄熟奉策主者詳案典禮 後因正旦朝罷還第表送章經帝手詔敦勉而舒執意 不朝賜錢百萬林帳節褥自副以舎人四人為劇陽 固乃部舒以劇陽子就第位儀同三司禄賜如前 稱疾遜位中復暫起署兖州中正尋又稱疾尚書左

熙元年薨時年八十二帝甚傷悼賜賻優厚諡曰康子 皆如舊制於是賜安車駒馬門施行馬舒為事必先行 矣豈以無益自損乎於是終服不復哭詔曰舒惟一 混字延廣清惠有才行為太子舍人年二十七先舒卒 能解榮善終者未之有也司空衛瓘與舒書曰每與足 而後言遜位之際莫有知者時論以為晉興以來三公 下共論此事日日未果可謂瞻之在前忽馬在後矣太 野成為舒悲惜舒每哀慟退而嘆曰吾不及莊生遠

港一百二十二

李惠字季和上黨銅鞮人也父住漢大鴻臚惠少有高 或足散憂也以废孫融嗣又早卒從孫晃嗣 悼乃給陽燧四望總忠户皇輪車牛一乘废出入觀望 薄命短折舒告老之年處窮獨之苦每念怛然為之嗟 節後為并州別駕時聽騎將軍秦朗過并州州将畢軟 行博學研精與北海管寧以賢良徵不行累辟三府不 母疾寫乃竊踰汝氏城而徒還遂遭母喪論者嘉其志 就宣帝復辟惠為太傅屬固辭疾那縣扶與上道時惠

帝甚重之轉司馬尋拜右長史從討母邱儉還遷御史 敬馬令乘車至閣意固諫以為不可執不得已從之景 飲定四庫全書 他為寧北將軍鎮都以惠為軍司頃之除涼州刺史加 以道德顯時人稱為知人尋遷大司馬以公事免司馬 中丞當官正色不憚彊禦百僚震肅馬薦樂安孫璞亦 先公辟君而君不應今孤命君而君至何也對曰先公 帝輔政命意為大將軍從事中即意到引見謂意曰告 以禮見待意得以禮進退明公以法見繩惠畏法而至 卷一百二十二 · 決定四軍全書 尚書僕射武陔各占官三更稲田請免濤睦等官孩已 **剋獲以功重免譴時人比之漢朝馬甘馬於是請還許** 犯塞意因其除會不及啓聞朝以便宜出軍深入遂大 亡請貶諡韶曰友侵刻百姓其考竟以懲邪按清等不 **祁侯惠上言故立進令劉友前尚書山濤中山王睦故** 于晉意以本官行司徒事副太尉鄭冲奉策泰始初封 楊威將軍假節領護羌校尉綏御華夷甚有聲績羌虜 之居家月餘拜冀州刺史界遷司隸校尉及魏帝告禪 通志

典兵二傅并攝衆事惠在位界年訓尊盡規遷尚書僕 假金紫置官騎十人賜錢五十萬禄賜班禮一如三司 具詹事左右率庶子中舍人諸官並未置唯置衛率令 貳其過皆勿問意元志在公當官而行可謂邦之司直 射拜特進光禄大夫以年老遜位詔惠因光禄之號改 太子太傅自魏明帝以後久曠東宫制度廢闕官司不 矣其申敕羣係各慎所司寬有之思不可數遇也意為 二代司隸朝野稱之以公事免其年皇太子立以惠為

卷一百

=+=

· 大芝四華全書 嘉中歷給事黃門侍郎散騎常侍 縱逸凉州覆沒朝廷深悔馬以意清素貧儉賜網百足 門施行馬初喜為僕射時凉州虜冠邊喜唱義遣軍討 歷左積弩將軍屯騎校尉儉子引字世彦少有清節永 非異東而家無儲糧親舊故人乃至分衣共食未當私 及齊王攸出鎮惠上表諫諍辭甚懇切惠自歷仕雖清 之朝士謂出兵不易屬未足為患竟不從之後属果大 以王官及卒追贈太保諡曰成子贊嗣少子儉字仲約

皆不還客問其故笑而不答竟如其言寔之先見皆此 類也以世多進趣魚遜道廢乃著崇讓論以矯之群多 伐蜀也有客問寒曰二將其平蜀乎寒曰破蜀必矣而 後歷吏部郎參文帝相國軍事封循陽子鍾會鄧艾之 皆不行以計吏入洛調為河南尹丞遷尚書郎廷尉正 書博通古今清身察已行無瑕玷郡察孝薦州舉秀才 年プロアとう 劉寔字子真平原髙唐人漢濟北惠王壽之後也父廣 **作邱令寬少貧苦賣牛衣以自給然好學手約繩口誦** 卷一百二十

書杜預之代吳也度以本官行鎮南軍司初度妻盧氏 いかつ日から 賂免官項之為大司農又以夏罪免寔每還州里鄉 生子蹄而卒華氏將以女妻之寔弟智諫曰華氏類貪 寒曰君行髙一世而諸子不能遵何不旦夕切磋使知 必破門户辭之不得竟婚華氏而生子夏度竟坐夏受 過而自改邪寔曰吾之所行是所聞見不相祖習豈復 不録泰始初進爵為伯累遷少府咸寧中為太常轉尚 酒肉以候之定難逆其意賴共啖之而返其餘或謂 通志

惠帝崩寔赴山陵懷帝即位復授太尉寔自陳年老固 開府儀同三司領其州都督九年策拜司空遷太保轉 常侍愍懷太子初封廣陵王高選師友以寔為師元康 太傅太安初寔以老病遜位賜安車駟馬錢百萬以侯 教誨之所得乎世以寒言為當後起為國子祭酒散騎 就第及長沙成都之相攻也寔為軍人所掠潛歸鄉里 初進爵為侯累遷太子太保加侍中特進右光禄大夫 不許左丞劉坦上言以為古之養老以不事為優

多分四月 在書

卷一百二十二

八月日日八十十 崇曰是厠耳寔曰貧士未當得此乃更如他厠雖處祭 **髋居無第字所得俸禄贍邱親故雖禮教陵運而行已** 徒行每所想止不累主人薪水之事皆自營給及位望 就其諮訪嚴餘崇時年九十一盜曰元定少貧實杖策 三司之上秩禄準舊賜几杖不朝及宅一區國之大政 以吏之為重謂宜聽寔所守三年詔寔以侯就第位居 顯每崇儉素不尚華麗當的石崇家如則見有絳 祖褥甚麗 两婢持香囊 定便退笑 謂崇曰誤入卿内 通志

每負新自給讀誦不報竟以儒行稱歷中書黃門吏部 條例二十卷有二子辦夏疏字景雲官至散騎常侍夏 臣之節舉此二端以明臣子之體遂行於世又撰春秋 郎出為賴川太守平原管輅當謂人曰吾與劉賴川 以介意自少及老為學不像雖居職務卷弗離手尤精 以正喪妻為廬杖之制終喪不御內輕薄者笑之寒不 以貪污棄放於世寔弟智字子房貞素有兄風少貧宴 三傳辨正公羊以為衛輒不應辭以王父命祭仲失為 卷一百二十二

金月正屋在書

書典三公曹時趙王倫篡逆光於其際守道貞全及倫 明法用為黄沙御史秩與中丞同遷廷尉元康中拜尚 史賴川太守是時武帝置黄沙獄以典詔囚以光歷世 業明練刑理初以太子舎人累遷尚書即出為幽州刺 高光字宣茂陳留圉城人魏太尉柔之子也光少習家 太常著喪服釋疑論多所辨明太康亦卒諡曰成 矣入為秘書監領南陽王師加散騎常侍遷侍中尚書 語使人神思清發昏不假寐自此之外殆白日欲寢

沙足四軍全書

通志

時朝廷咸推光明於用法故頻典理官惠帝為張方所 賜死齊王冏輔政復以光為廷尉遷尚書加奉車都尉 通幸長安朝臣奔散莫有從者光獨侍帝而西遷尚書 後從駕討成都王賴有功封延陵縣公邑千八百户于 新立重選傅訓以光為少傅加光禄大夫常侍如故及 人僕射 刺史誕性任放無倫次而决烈過人與光異操常 小節恒輕侮之光事輕愈謹帝既還洛陽時太弟 加散騎常侍光兄誕為上官已等所用歷徐雅

母ラロ

T

卷一百

懷帝即位加光禄大夫金章紫綬與傅祗並見推崇尋 **賕有司奏按之而光不知時人雖非光不能防尉其子** 竟未加諡子韜字子遠放佚無檢光為廷尉時餡受貨 為尚書令本官如故以疾卒贈司空侍中屬京洛傾覆 傅參軍姜順京兆杜概等謀討越事泄伏誅 右衛將軍韜與殿省小人交通及光卒仍於喪中往來 以其用心有素不以為累初光詢長安留臺以餡魚為 不絕時東海王越輔政不朝覲韜知人心有望宏與太

欠足四軍全售

通志

咸熙中為越騎校尉武帝受禪加揚烈將軍遷徐州 量襲父爵京陵侯辟大將軍曹爽掾爽誅隨例免起為 陳損益多見納用轉在虜將軍監豫州諸軍事假節 懷令參文帝安東軍事累遷散騎黃門侍郎散騎常侍 年ラロー 豫州刺史渾與吳接境宣布威信前後降附甚多吳將 千八百户久之遷東中即將督淮北諸軍事鎮許昌數 史時年荒歲機渾開倉販膽百姓頼之泰始初增封邑 王渾字元冲太原晉陽人也父昶魏司空渾沈雅有器 卷一百二十二 刺

设定四車全書 陳兵東疆視其地形險易歷觀敵城察攻取之勢及大 舉代吳渾率師出横江遣參軍陳慎都尉張喬攻尋陽 積穀百八十餘萬斛稻苗四千餘頃船六百餘艘渾遂 薛瑩魯淑衆號十萬淑向七陽瑩向新息時州兵並放 揚州刺史應綽督淮南諸軍攻破之並破諸別屯焚其 督揚州諸軍事鎮壽春吳人大個皖城圖為邊害渾遣 至渾擊破之以功封次子尚為關內侯遷安東將軍都 休息衆裁一 旅浮准潛濟出其不意瑩等不虞晉師之 通志

百 相 斬獲吳厲武將軍陳代平庸將軍朱明懼而來降吳丞 ヨウエ 又遣殄吳護軍李純據高望城討吳將俞恭破之多所 張悌大將軍孫震等率衆數萬指城陽渾遣司馬 江登建都宮釀酒高會自以先據江上破皓中 渾降既而王濬破石頭降孫皓威名益振明日 級吳人大震孫皓司徒 鄉又擊吳牙門將孔忠皆破之獲吳將周與等五人 州刺史周浚擊破之臨陣斬二将及首虜七千 巻一百二十 何植建威將軍孫晏送 軍按 渾 印 節

護自衛不得分兵上赴以成西軍之功又推大敵獲張 東將軍京陵侯王渾督率所統遂逼秣陵令賊孫皓 甲不進致在王滿之後意甚愧恨有不平之色頻奏濟 鑑介 罪 悌使皓坐 窮勢盡面縛て降遂平定秣陵功勲茂者其 明允時吳人新附頗懷畏懼渾撫循羈旅虚懷綏 封八千户進爵為公封子澄為亭侯弟湛為關內 狀時人議之帝下詔日使持節都督揚州諸軍事安 網八千疋轉征東大將軍復鎮壽陽渾不尚刑名處

欠足四車全售

通志

1

論以損仁慈之美耳而令天下窺陛下有不崇親親之 外之資論以後慮亦不為輕攸今之國適足長異同之 王亮代攸亮宣皇帝子文皇帝弟他駿各處方任有內 后待攸之宿意也若以攸望重於事宜出者今以汝南 都督虚號而無典戒幹方之實懼非追述先帝文明太 上書言攸至親盛德宜贊朝政令陛下出攸之國假 書左僕射加散騎常侍會朝廷立議齊王攸當之潘 座無虚席門不停實於是江東之士莫不悦附徵拜尚 金ラロラと 卷一百二十二

楚七國逆亂之殃歷觀古事輕重所在無不為害唯當 陛下有篤親親之恩使攸蒙仁覆之惠也帝不納太熙 遠者庸可保乎愚以為太子太保缺宜留攸居之庶全 王氏傾漢之權吕産專朝之禍若以同姓至親則有吳 これいい 及楊駁誅重崇舊臣乃加渾兵渾以司徒文官主史不 初遷司徒惠帝即位加侍中又京陵置士官如惟陵 任王道而求忠良耳若以智計猜物雖親見疑至於疏 臣竊為陛下不取也若以如后外親任以朝政則有 ...t. 通击 十四一

渾元會問都國計吏方俗之宜渾奏曰陛下欽明聖哲 有憑也瑋從之渾辭疾歸第以家兵千餘人閉門距瑋 司徒王渾宿有威名為三軍所信服可請同乘使物情 參乘以增威重大王今舉非常事宜得宿望鎮壓衆心 舊典皆令皂服論者美其讓而識體楚王瑋將害汝南 王亮等也公孫宏說瑋曰昔宣帝廢曹與引太尉蔣濟 不敢逼俄而瑋以矯詔伏誅渾乃率兵赴官帝嘗訪

多好四月全書

持兵持兵乃吏屬絳衣自以偶因時寵權得持兵非是

卷一百二十二

秀異風俗好尚農桑本務刑獄得無冤濫守長得無侵 計吏跪受臣以韶文相承已久無他新聲非陛下留心 光于遠近明韶冲虚詢及獨義斯乃周文畴咨之求仲 CAND und Links 計更人才之實又先帝時正會後東堂見征鎮長史司 聖拍垂心四遠不復因循常辭且察其答對文義以觀 虐其勤心政化與利除害者授以紙筆盡意陳聞以明 方國之意也可令中書令拍宣明韶問方土異同賢才 尼不耻下問也舊三朝元會前計吏治軒下侍中讀詔 通志 十五.

善易及莊老文詞俊茂伎歎過人有名當世與姊夫和 武子少有逸才風姿英爽氣益一時好弓馬勇力絕人 事渾所歷之職前後著稱及居台輔聲望日減元康七 母憂去官起為聽騎將軍累遷侍中與侍中孔怕王怕 嗎及裴楷齊名尚常山公主年二十起家拜中書即 中宣問以審察方國於事為便帝然之又詔渾錄尚書 馬諸王國卿諸州別駕若不能別見可前詣軒下使侍 年薨時年七十五諡曰元長子尚早亡次子濟嗣濟字

動好四周全書

卷一百二十二

欠已日日 公司 妻長廣公主俱入稽額泣請帝留攸帝怒謂侍中王戎 未當不咨論人物及萬機得失濟善於清言修飾詞令 顧濟怕而謂諸公曰朕左右可謂怕怕濟濟矣每侍 議機之齊王攸當之藩濟既陳情又累使公主與甄德 刻好以言傷物儕類以此少之以其父故每排王潘時 不以主肾之故咸稱才能致之然外雖引雅而內多忌 議將順朝臣莫能尚馬帝益親貴之仕進雖速論者 濟同列為一時俊彦武帝當會公卿藩收於式乾殿 通志 ナグー

豪侈殿服王食時洛京地甚青濟置地為馬埒編錢淌 長異同之言出為河南尹未拜坐鞭王官吏免官而王 為侍中時渾為僕射王者處事或不當濟性峻厲明法 之時人謂為金溝王愷以帝舅奢豪有牛名八百里駁 佑始見委任而濟遂被斥外於是乃移第北芒山下性 絕之素與從兄佑不平佑黨頗謂濟不能顧其父由是 婦來生哭人以忤白左遷國子祭酒常侍如故數年入 曰兄弟至親今出齊王自是朕家事而甄徳王濟連遣

金学工匠 石門里

卷一百二十二

常坐其蹄角濟請以錢千萬與牛對射而賭之愷亦自 侍其能令濟先射一發破的因據胡林叱左右速探牛 心來須更而至一割便去和嶠性至儉家有好李帝求 去帝當幸其字供與甚豐悉貯琉璃器中蒸肫甚美帝 問其故答曰以人乳蒸之帝色甚不平食未畢而去濟 之不過數十濟候其上直率少年的園共啖畢伐树而 云此以是惜鄣泥使人解去便渡故杜預謂濟有馬癖 一天已日草 全售 善解馬性當乘一馬著連乾郭泥前有水終不肯渡濟 通志

爽恐不可屈帝因召濟功讓之既而曰知愧不濟答曰 帝當謂和婚日我將罵濟而後官爵之何如婚日濟俊 **先渾卒追贈驃騎將軍及其將葬時賢無不畢至孫楚** 尺布斗栗之謠常為陛下耻之他人能令親疏臣不能 濟時伸脚局下而皓譏馬尋使白衣領太僕年四十六 使親親以此愧陛下耳帝默然帝當與濟暴而孫皓在 敬濟而後來哭之甚悲實客莫不垂涕哭罪向靈 謂皓曰何以剥人面皮皓曰見無禮於君者則剝之

金グロル

1

卷一百二十二

楚顧日諸君不死而令王濟死手初濟尚公主主兩目 日柳常好我作驢鳴我為柳作之體似聲真賓客皆笑 姿貌不侑名行不為鄉曲所稱晚乃變節疎通亮達恢 失明而好忌尤甚然終無子有度子二人卓字文宣嗣 澄字道深文字茂深皆辯惠有才藻並歷清顯 廓有大志當起空開門前路廣數十步人或謂之何太, 王濟字士治引農湖人也家世二千石濟博法墳典美 渾爵拜給事中次津字茂宣襲公主封敏陽侯濟二弟

次 芝四車全書

通志

才將欲濟其所欲必可用也轉車騎從事中郎識者謂 者皆望風自引而去刺史燕國徐迎有女才淑擇夫未 燕雀安知鴻鵠之志州郡辟河東從事守令有不蔗潔 金りし 過濟曰吾欲使容長戟幡旗衆咸笑之濟曰陳勝有言 之後參征南軍事羊祜深知待之枯兄子暨白枯濟為 嫁迎乃大會佐吏令女於內觀之女指濟告母避遂妻 人志大奢侈不節不可專任宜有以裁之祜曰濟有大 可謂能舉善馬除巴郡太守郡邊吳境兵士苦役生 卷一百二十二 **读定四軍全書** 甚惡之主簿李毅再拜賀曰三刀為州字又益一者明 濟夜夢懸三刀於卧屋梁上頂更又益一刀濟驚覺意 復所全活者數千人轉廣漢太守垂惠布政百姓賴之 男多不養庸乃嚴其科條寬其徭課其產育者皆與休 為益州刺史濟設方界悉誅引等以熟封関內侯懷輯 府其臨益州手及賊張引殺益州刺史皇甫晏果遷濟 大司農車騎将軍羊祜雅知濟有奇署乃密表留濟於 殊俗待以威信蠻夷徼外多來歸降徴拜右衛將軍除

是重拜益州刺史武帝謀伐吳詔濟修舟艦濟乃作大 吳之計宜增建平兵建平不下終不敢渡皓不從尋以 四出門其上皆得馳馬來往又畫與首怪獸於船首以 船連舫方百二十步受二千餘人以木為城起樓稱開 謠言拜龍驤將軍監益梁諸軍事語在羊祐傳時朝議 而 諫伐吳濟乃上疏曰臣數參訪吳楚同異孫皓荒溫 下吳建平太守吳彦取流梯以呈孫皓曰晉必有攻 江神舟職之盛自古未有濟造船於蜀其木材敬江 老一百二十

敵也臣作船七年日有朽敗又臣年已七十死亡無日 **西逆荆揚賢愚無不嗟怨且觀時運宜速征伐若令不** 伐天變難預令皓卒死更立賢主文武各得其所則彊 之已日日在1年10·1 者皆堪徭役供軍其父母戒之曰王府君生爾爾必勉 發部分命諸方節度濟於是統兵先在巴郡之所全育 三者一非則難圖也誠願陛下無失事機帝深納馬賈 之無愛死也太康元年正月濟發自成都率巴東監軍 充前島陳諫以為不可唯張華固勸又杜預表請帝乃 通志 7

廣武將軍唐彬等攻吳丹陽尅之禽其丹陽監盛紀吳 其鎮南將軍留憲征南將軍成據宜都太守盧忠王成 長十餘丈大數十圍灌以麻油在船前遇鑽然炬燒之 須更融液斷絕於是船無所礙二月庚申尅吳西陵獲 令善水者以筏先行筏遇鐵錐雞朝着筏去又作火炬 人於江險磧要害之處並以鐵雞橫截之又作鐵錐長 一餘暗置江中以逆巨船先是羊祜獲吳問謀具 乃作大後數十亦方百餘歩縛草為人被甲持杖

金与口匠

白書

卷一百

欠巴口目在時 軍旌旗器甲屬天滿江威勢甚盛莫不破膽用其光禄 擊將軍張泉率舟軍萬人以禦濟泉望旗而降時間濟 陸景平西将軍施洪等來降乙亥部進濟為平東將軍 勲薛瑩中書令胡冲計送降文於濟曰吳郡孫皓叩 **赶荆門夷道二城獲監軍陸晏乙丑尅樂鄉獲水軍督** 夏口武昌無復支抗於是順流鼓棹徑造三山皓遣 假節都督益深諸軍事溶自發蜀兵不血刃攻無堅城 死罪告漢室失御九州幅裂先人因時略有江南遂阻 通志

之禮素車白馬肉祖面縛街壁牽羊大夫衰服士與概 假息漏刻敢緣天朝舍弘光大謹遣私署太常張變等 軍無私馬帝遣使者傷濟軍初部書使濟下建平受杜 躬解其縛受壁焚襯送于京師乃收其圖籍封其府庫 率其偶太子瑾瑾弟魯王度等二十一人造于壘門濟 奉所佩璽綬委質請命壬寅濟入于石頭皓乃備亡國 命至於今者很煩六軍衛盎路次遠臨江渚舉國震惶 河與魏乖隔大晋龍與德覆四海閣为偷安未喻天

金月口

たる情

卷一百二十二

當徑取秣陵討界世之通冠釋吳人於塗炭自江入淮 得施節度濟至西陵預與之書曰足下宜推其西藩便 流長驅威名已著不宜令受制於我若不能克則無緣 濟舉 机直指報曰風利不得泊也王渾人破皓中軍斬 張悌等頓兵未敢進而濟乘勝納降渾耻而且怨乃表 悦表呈預書及濟將至林陵王渾遣使要令暫過論事 迎于四汴 河而上振旅還京師亦曠世一事也濟大 預節度預至江陵謂諸將即曰若濟軍得下建平則順 允已可量心島 通志

率由詔書崇成王法而於事終恃功肆意朕將何以令 東將軍渾節度渾思謀深重案甲以待將軍云何徑前 濟違部不受節度誣罪狀之有司遂按濟檻車徵帝弗 許下語讓濟曰伐國事重宜令有一前語使將軍受安 氣益壯便當順流長為直造秣陵臣被豁之日即便東 天下濟上書自理曰臣前被庚戍詔書曰軍人乘勝猛 不從軍命違制昧利甚失大義將軍功數簡在朕心當 下又前被詔書云太尉賈充總統諸方自鎮東大將軍

金月世尾石章

巻一百二十二

臣當受節度之意臣水軍風發乘勢造賊城加宿設部 牛渚去秣陵二百里宿設部分為攻取節度前至三山 自達巴邱所向風靡知孫皓窮跟勢無所至十四日至 他及渾濟彬等皆受充節度無令臣別受節度之文臣 見渾軍在北岸遣書與臣可髮來過共有所議亦不語 絕須更之間皓遣使歸命臣即報渾書并寫皓牋具以 分行有次第無縁得於長流之中廻船過渾令首尾斷 **示渾使速來當於石頭相待軍以日中至秣陵暮乃被**

次定四車全書 人

通志

常恐託付不效孤負聖朝故投身死地轉戰萬里被蒙 為皓已來首都亭無緣共合室圍又兵人定見不可倉 石頭備皓越逸又索蜀兵及鎮南諸軍人名定見臣以 臣獨懷戰灼三軍上下咸盡喪氣臣受國恩任重事大 自由伏讀嚴韶騰怖悚慄不知驅命當所投曆豈惟 卒皆非當今之急不可承用中詔謂臣忽棄明制專擅 寬恕之思得從臨履之宜是以憑賴威靈幸而能濟

多りて

渾所下當節度之符欲令臣明十六日悉將所領還圍 卷一百二十二

是陛下神策廟算臣承拍授效鷹大之用耳有何敷勞 而恃功肆意寧敢味利而違聖詔臣以十五日至秣陵 卷皓以果叛親離無復羽翼匹夫獨坐不能庇其妻子 軍單入有所虧喪罪之可也臣所統八萬餘人乘勝席 罪責宜衆察恕假令孫皓猶有螳娘舉谷之勢而臣輕 崔單貧生的乞一活耳而江北諸軍不知其虚實不早 韶書以十二日起洛陽其間懸闊不相赴接則臣之 取自為小誤臣至便得更見怨悉並云守賊百日而 面击

| 鼓定匹庫全書 令他人得之言語噂略不可聽聞案春秋之義大夫出 願令聖世與唐虞比隆陛下粗察臣之愚敖而識其欲 欲竭股脏之力加之以忠貞度必掃除克逆清一宇宙 其顧護嫌疑以避咎責此是人臣不忠之利實非明主 奮不顧命量力受任臨事制宜的利社稷死生以之若 自效之誠是以授臣以方牧之任委臣以征討之事雖 疆由有專賴臣雖愚養以為事君之道唯當妈節盡忠 稷之福也臣不自料忘其鄙劣披布丹心輸寫肝膽

熊王之信樂毅漢祖之任蕭何無以加馬受思深重死 門將李萬放火燒皓偽宮輒公文上尚書具列本末又 **匹管無地自骨願陛下明臣赤心而已渾又騰周浚書** 且 これしまう 云濟軍得吳寶物濟復表曰被戊戌詔書下安東將軍 負 渾案陷上臣臣受性愚忠行事舉動信心而前期 上揚州刺史周沒書謂臣諸軍得孫皓寶物又謂牙 不報而以頑疎舉措失宜陛下引恩財加切讓惶怖 神 明而已秣陵之事皆如前所表而惡直既正實 1.1. 二十五 於

致定匹庫全書 十而卒被讒問脫身出奔樂羊既反誇書湍篋况臣 繁有徒欲構南箕成此貝錦公於聖世反白為黑夫佞 **幺棄遐外人道斷絕而結恨殭宗取怨豪族以累卵** 疎能免讓愿之口然所望全其首領者實賴陛下聖拍 亂漢朝皆載在典籍而為世作戒音樂毅伐齊下城七 邪害國自古而然故無極破楚宰嚭減吳及至石顯 身處雷霆之衝繭栗之質當豺狼之路其見吞噬豈抗 、明使浸潤之踏不得行馬然臣孤根獨立朝無黨援 卷一百二十二 碩 傾

違件石顯雖闔朝嗟嘆而死不旋踵此臣之所大怖也 唇齒夫犯上干主其罪可救乖忤貴臣則禍在不測故 在洛中專共交構盗言孔甘疑惑觀聽夫曾參之不殺 朱雲折檻嬰逆鱗之怒慶思救之成帝不問望之周堪 五之應夫猛虎當塗麒麟恐懼况臣脆弱敢不惊慄偽 曾參之著而讒構沸騰非徒三夫之對外內扇助為二 今軍之支黨姻族外內皆根據盤 互並處世位聞遣人 亦以明矣然三人傳之其母投行今臣之信行未若 通志

欠已日早亡

子六

焼宮皓逃身窟首恐不脫死臣至遣參軍主者救斷 汉 火耳周浚以十六日前入皓宫臣時遣記室吏往視書 吳君臣今皆生在便可驗問以明虚實前偽中郎將孔 能然便盡出金寶以賜與之小人無狀得便持走皓 乃圖降首降使適去左右却奪財物署取妻妾放火 跳刀大呼云要當為陛下一死戰决之皓意大喜謂 說去二月武昌失守水軍行至皓案行石頭還左右 浚使收縛若有遺寶則沒前得不應移蹤後人欲求 卷 一百二十二

金字にたる言

一次足四軍全彗 一 土地之主百姓之心皆歸仰臣臣切物所領秋毫不犯 皆出其後若有寶貨潭應得之又臣將軍素嚴兵人不 語及覆無復本末臣復與軍司張牧汝南相馮然等共 得妄離部陣聞在林陵諸軍九二十萬衆臣軍先至為 又先臣一日上其船船上之物皆潭所知見臣之案行 **尚免也臣前在三山得浚書云皓散寶物以賜將士府** 庫空虚而今復言金銀箧笥動有萬計疑臣軍得之言 、觀皓宮乃無席可坐後日又與牧等共視皓舟船渾 ţ, 通志

きりて 蜀人幸以此自別耳豈獨浚之將士皆是夷齊而臣部 三人皆吳人所知也餘軍縱橫詐稱臣軍而臣軍類皆 軍 露布言以萬計以吳剛子為主簿而遣剛至洛欲令剛 也又聞吳人言前張悌戰時所殺才有二千人而渾 以付後使得自科决而寂無反報疑皆縱遣絕其端緒 有市易皆有伍任證佐明從券契有違犯者凡斬 門將軍馬潜即収得二十餘人并疏其督將姓名移 悉聚盗跖邪時有八百餘人緣石頭城刻取布帛臣 Į と言い 卷一百 とこり 見いす 臣之身便受各界既無孟側策馬之好而令濟濟之朝 **哈故其宜耳渾案臣瓶磬小器蒙國厚恩頻繁擢叙述** 妻子冀其作亂得騎私忽謀反大逆尚以見加其餘誇 如所聞後等虛詐尚欺陛下豈惜於臣云臣屯聚蜀 不時送皓欲有反狀又恐動吳人言臣皆當誅殺取其 其任軍此言最信內省慙懼今年平吳誠為大慶於 **護邪之人虧移移之風損皇代之美由臣頑疏使** 通志

斬級之數可具問孫皓及其諸臣則知其定審若信

金是正是白書 校尉舊校唯五置此營自濟始也有司又奏輔國依 足以一告掩之有司又奏濟赦後燒賊船百三十五艘 節度詔書稽留所下不至便合與不受詔同責未為 **敬付廷尉科罪詔曰濬前受詔徑造秣陵後乃下受渾** 列前後所被七韶月日又被後建詔不受渾節度大不 於此拜表流汗言不識次濟至京都有司奏濟表既不 通濟不即表上被渾宣詔此可責也濟有征伐之勞不 勃付廷尉禁推詔曰勿推拜濟輔國大將軍領歩兵 卷一百二十二

とこり見いけ 恨以所居美者未盡善也濟曰何謂也通曰卿旋師之 為渾父子及豪疆所抑屢為有司所奏每進見陳其攻 封襄陽縣侯邑萬户封子桑楊鄉亭侯邑千五百户賜 伐之勞及見枉之狀或不勝念憤選出不解帝每容恕 未為達官不置司馬不給官騎詔依征鎮給五百大車 絹萬足又賜衣一襲錢三十萬及食物濟自以功大而 增兵五百人為輔國營給親騎百人官騎十人置司馬 之益州護軍范通濟之外親也謂濟曰卿功則美矣然 通志 千九一

備衛然後見之其相猜防如此濟平吳之後以敷高位 軍大將軍加散騎常侍領後軍將軍王渾詣濟濟嚴設 洗馬孟康前温令李密等並表訟濟之屈帝乃遷濟鎮 育中是吾編也時人成以潘功重報輕博士泰秀太子 濟曰吾始懼鄧艾之事畏禍及不得無言未不能遣諸 德羣師之力老夫何功之有馬如斯顔老之不伐龔遂 日角巾私第口不言平吳之事若有問者賴曰聖主之 雅對將何以過之關生所以屈產頗王渾能無愧乎 卷一百二十二

蛋另口屋 有書

次定四車全書 濟有二孫過江不見齒錄安西將軍桓温鎮江陵表言 重不復素業自居乃王食錦服縱奢侈以自逸其有辟 之卒不見省 子粹太康十年武帝部粹尚賴川公主仕至魏郡太守 卒時年八十諡曰武葬柏谷山大管瑩域葬垣周四十 五里面別開一門松相茂盛子矩嗣矩弟暢散騎郎暢 儀同三司加特進散騎常侍後軍將軍如故太康六年 引多是蜀人示不遺故舊也後又轉撫軍大將軍開府 通志 F

金クモル とう 忠肅公亮畫規匡救不顯諫以自彰又奉使詢相府計 陳吳有可無之勢沈善其對又使彬難言吳未可伐者 授恒數百人初為郡門下禄轉主簿刺史王沈集諸參 而辭理皆屈還遷功曹舉孝廣州辟主簿累遷別駕彬 佐盛論距吳之策以問九郡吏彬與熊郡主簿張惲俱 度而不拘行檢少便弓馬好游獵身長八尺走及奔鹿 强力無人晚乃敦悦經史尤明易經隨師受業還家教 唐彬字儒宗魯國鄒人也父臺太山太守彬有經國大 卷一百二十二

少七四車全書 ! **艾久在職右素得士心一旦夷滅恐邊情騷動使彬客** 事于時像佐皆當世英彦見彬莫不欽悦稱之於文帝 行滿天下無怨惡帝顧四坐曰名不虚行他日謂孔顥 在坐飲板而稱曰彬之為人勝騫甚遠帝笑曰但能如 薦為據屬帝以問參軍孔顥顥忌其能良久不答陳騫 日近見唐彬御受散賢之責矣初鄧艾之誅也文帝以 致辟對日修業陋巷觀古人之遺跡言滿天下無口過 柳固未易得何論於勝因辟為鎧曹屬帝問曰卿何以 通志

金グロ 勞聚力雕右甚患苦之喜聞其禍不肯為用今諸軍已 至足以鎮壓外內願無以為慮俄除尚書水部郎泰始 失拍朝見罵辱處自無禮大失人心又好施行事役數 為見事直言者謂為觸近雖長史司馬參佐牙門答對 察之彬還白帝日鄧少忌克能狹於才負能順從者謂 冠監軍位缺朝議用武陵太守楊宗及彬武帝以問散 太守明設禁防百姓安之以母喪去官益州東接吳 賜爵関內侯出補都令彬導德齊禮期月化成遷七 111111 卷一百

騎常侍文立立曰宗彬俱不可失然彬多財然而宗好 意後與王濟共伐吳彬屯據衝要為東軍前驅每設與 爭物後到者争功于時有識莫不高彬此舉吳平韶以 諸賊所聚莫不震愕倒戈肉袒彬知賊冠已珍孫皓將 詔彬監巴東諸軍事加廣武將軍上征吳之策甚合帝 降未至建都二百里稱疾運留以示不競果有先到者 酒惟陛下裁之帝曰財欲可足酒者難改遂用彬尋又 兵應機制勝陷西陵樂鄉多所禽獲自巴陵沔口以東

たとり早か時

通志

弄

舊境却地千里復秦長城塞自温城泊于碣石縣亘山 武宣喻國命示以威信於是鮮甲二部大其應擿何等 あり にほる言 谷且三千里分軍屯守烽候相望由是邊境安寧無大 並遣侍子入貢無修學校誨誘無像仁惠廣被遂開拓 庸縣侯食邑六千户賜納六千疋朝有疑議每參預馬 彬為石將軍都督巴東諸軍事徴拜翊軍校尉改封上 九校尉右將軍彬既至鎮訓卒利兵廣農重稼震威曜 北属侵掠北平以彬為使持節監幽州諸軍事領護鳥 卷一百二十二

吹之警自漢魏征鎮莫之比馬鮮甲諸種畏懼遂殺大 九足日華 白馬 參軍許抵密奏之部遣御史檻車後彬付廷尉以事直 莫應彬欲討之思列上候報虜必逃散乃發幽其車牛 嚴舒龍姜茂時深子遠等並志節清茂履行高潔踐境 卒乃為之立碑元康初拜使持節前將軍領西戎校尉 見釋百姓追慕彬功德生為立碑作頌彬初受學於東 雅州刺史下教曰此州名都士人林數處士皇甫申叔 海間德門徒甚多獨目彬有廊廟才及彬官成而德已 通志 青

有器量介然不羣性好莊老每隐身自晦與嵇康已安 道而已豈以吏職屈染高規郡國備禮發遣以副於己 望風虚心飢渴思加延致待以不臣之典幅巾相見論 善後遇阮籍便為竹林之交著总言之契康後坐事臨 山濤字巨源河内懷人也父曜宛句令濤早孤居貧少 太守少子岐征虜司馬 之望於是四人皆到彬敬而待之元康四年卒官時年 六十諡曰襄賜約二百足錢二十萬長子嗣官至廣陵

金げせた

卷一百二十二

事馬蹄開邪投傳而去未二年果有曹爽之事遂隱身 宰相三不朝與尺一令歸第卿何慮也壽曰咄石生無 夜起蹴墨日今為何等時而眠邪知太傅即何意墨日 功曹上計樣舉孝廣州辟部河南從事與石墨共宿濤 刑謂子紹曰巨源在汝不孤矣濤年四十始為郡主簿 欲仕邪命司隸舉秀才除即中轉驃騎將軍王昶從事 不交世務與宣穆后有中表親是以見景帝帝曰召望 即外之拜趙國相遷尚書吏部即文帝與壽書曰足

E TOTAL CART

通志

到戶四屆百書 以委卿以本官行軍司馬給親兵五百人鎮都咸熙初 魏氏諸王公並在都帝謂濤曰西偏吾自了之後事深 以二人居勢爭權濤平心處中各得其所而俱無恨馬 百針魏帝當賜京帝春服帝以賜壽又以母老并贈泰 下在事清朗雅操邁時念多所之今致錢二十萬穀二 新沓子轉相國左長史典統別營時帝以壽鄉問 八將軍從事中郎鍾會作亂於蜀而文帝将西征時 枚晚與尚書和道交又與鍾會裴秀等并申款昵 卷一百二十二

发已印刷在的 裴秀曰大將軍開建未遂吾但承奉後事耳故立攸將 時人欲危裴秀濤正色保持之由是失權臣意出為異 歸功於兄何如秀以為不可又以問清清對日廢長立 望命太子拜之帝以齊王攸繼景帝後素又重攸當問 少建禮不祥國之安危恒必由之太子位於是乃定太 州刺史加寧遠將軍其州俗薄無相推較清甄拔隱屈 **韵建郭泰始初加奉車都尉進爵新沓伯及羊祜執政** 子親拜謝濤及武帝受禪以壽守大鴻臚該送陳留王 通志 三

老辭職部曰君雖乃心在於色養然職有上下旦夕不 搜訪賢才旌命三十餘人皆顯名當時人懷慕尚風俗 帳苗褥禮秩崇重時莫為比後除太常卿以疾不就會 頗革轉北中即將督鄴城守事入為侍中遷尚書以母 廢醫樂且當割情以隆在公濤心求退表疏數十上久 柏未幾記起濤為吏部尚書濤解以丧病章表態切會 乃見聽除議即帝以壽清儉無供養特給日契加賜林 一喪歸鄉里濤年瑜耳順居喪過禮負土成墳手植 松

多分四月子書

卷

一百二十二

死至四事 全馬 詔自有所向然後顯奏隨帝意所欲為先故帝之所 起視事濤再起選職十有餘年每一官缺軌路擬數 得有所問濤不自安上表謝罪的敦喻之濤不獲已乃 自聞但不聽之耳使壽坐執鈴衛則可何以上下邪 章表數十上人不攝職為左丞白裒所奏帝曰壽以病 侍除尚書僕射加侍中領吏部固辭以老疾上表陳狀 周編內外而並得其才成寧初轉太子太傅加散騎常 元皇后崩遂扶與還洛逼迎部命自力就職前後選舉 通志 异六

濤行之自若一年之後東情乃寢濤所奏甄别人物 或非舉首衆情不察以濤輕重任意或替之於帝帝手 為題目時稱山公啓事濤中立於朝晚值后黨專權不 韶戒濤曰夫用人惟才不遺疎遠單賤天下便化矣而 欲任楊氏多有諷諫帝雖悟而不能改後以年衰疾篤 不許尚書令衛瓘奏濤以徵苦处不視職手諂頻煩 疏告退免冠徒既上還印綬詔不許濤告表請退又 順句參議以為無專節之尚違在公之義若實沈篤 播

年ラリ

Ţi

الإرام المراد

巻一百二十二

ついれいし いいっ 罷軍役示海内大安州郡悉去兵大郡置武吏百人 郡五十人帝當講武于宣武場壽時有疾部乘步輦 辭手韶敦譬濤又上表固讓不許吳平之後帝詔天下 初遷右僕射加光禄大夫侍中掌選如故濤以老疾固 以重吾不德何以示遠近邪濤不得已又起視事太康 不逮主者既不思明的百而反深加武案虧崇賢之風 而當深退讓至於慰切故比有詔欲必奪其志以匡輔 亦不宜居位可免濤官中部瓘曰濤以德素為朝之望 通光

以太康四年麂時年七十九韶賜東園秘器朝服一 乃卧加章經濤曰垂沒之人豈可污官府乎與疾歸家 徒濤復固讓的不從濤又表乞骸骨部勒斷章表使者 名言也而不能用及永寧之後屢有變難冠賊於起郡 精于時成以清不學孫吳而閱與之合帝稱之曰天下 國皆以無備不能制天下乃至大亂如濤言馬後拜司 因與盧欽論用兵之本以為不宜去州郡武備其論甚 襲錢五十萬布百足以供丧事策贈司徒審印紫 卷一百二十二 具

銀定四庫全書

干問子孫不相容帝為之立室初濤布衣家貧調妻韓 **終侍中貂蟬新沓伯蜜印青朱綬祭以太牢臨日康將 莽賜錢四十萬布百疋左長史范晷等上言壽舊第屋** 欠已回事主時 耳及居際貴貞慎儉約雖爵同千乘而無嬪勝禄賜俸 氏曰忍飢寒我後當作三公但不知卿堪為公夫人 **秧散之親故初陳郡表毅常為馬令貪濁而賂遺公卿** 以求虚譽亦遺濤絲百斤濤不欲異於時受而藏於閣 後殺事露檻車送廷尉凡所受路皆見推檢壽乃取 通志 弄人

世四吏 昼月口月八三 武之乃以酒八斗 子五人該淳允謨簡該字伯倫嗣父爵仕至并州剌)濤不敢辭以問於允允自以匹陋不肯行濤以為 乃表口臣二子匹病宜絕 尉並少匹病形甚短小而聰敏過人武帝聞而欲 子左率贈長水校尉該子瑋字産祖湖軍校尉次 付吏積年塵埃印封如故濤飲酒至八斗方醉帝 部即散騎常侍淳字子元不仕允字叔真奉 飲濤而密益其酒濤極本量而止 卷一百 有 見 欲

明悉有才智官至司空樣簡字季倫性温雅有父風年 臣各舉所知以廣得才之路朝廷從之永嘉三年出為 中項之轉尚書歷領軍將軍判州刺史領南蜜校尉不 子舍人累遷太子庶子黄門郎出為青州刺史徴拜侍 知後與熊國船紹沛郡劉謹引農楊淮等齊名初為太 二十餘濤不之知簡數日吾年幾三十而不為家公所 史鎮西將軍後為尚書左僕射領吏部簡上疏欲令朝 行復拜尚書光熙初轉吏部尚書永嘉初出為雅州刺 .通·志 三九

時四方冠亂天下分崩王威不振朝野危懼簡優游卒 能騎馬倒著白接離舉鞭向葛殭何如并州兒殭家在 多之池上置酒輒醉名之曰高陽池時有重兒歌曰山 歲惟酒是耽諸習民制土豪族有佳園池簡每出嬉遊 与りてル 危逼簡遣督護王萬率師赴難次于沒陽為宛城賊 并州簡愛将也尋加都督寧益軍事時劉聰入冠京 征南將軍都督荆湘交廣四州諸軍事假節鎮襄陽于 公出何許往至高陽池日夕倒載歸若芋無所知時時 老一百二十二 師

或勸簡討之簡曰與彦夏舊友為之間恨簡豈利人之 漢語會之日家佐或勘奏之簡曰社稷傾覆不能匡敢 餘姚令時江左初基法禁寬弛豪族多接藏户口以為 年六十卒追贈征南大將軍儀同三司子遐字彦林為 有晉之罪人也何作樂之有因流涕慷慨坐者咸愧馬 乃遷于夏口招納流亡江漢歸附時華軼以江州作難 如所破遂嬰城自守及洛陽陷沒簡又為賊嚴疑所逼 以為功伐乎其為厚如此時樂府伶人避難多奔污

沙里四軍全售

通志

4

猛康帝詔曰東陽頂來竟囚每多入重豈郡多罪人將 與會稽內史何充牋乞留百日窮朝逋逃退而就罪無 以喜有高節不宜屈辱又以遐輒造縣舍遂陷其罪退 户當棄市退欲絕喜諸豪殭其不切齒於退言於執事 私附超絕以峻法到縣八旬出口萬餘縣人虞喜以藏 王戎字濬冲琅邪臨沂人也祖雄幽州刺史父渾涼州 捶楚所求莫能自固邪遐處之自若郡境肅然卒於官 恨也充申理不能得竟坐免官後為東陽太守為政嚴

タラー

卷一百二十

欠巴回国公子 籍每過軍俄頂輛去過視我良久然後出謂渾曰宿冲 友戎年十五隨渾在即舍戎少籍二十歲而籍與之 見而目之曰我眼爛爛如嚴下電年六七歲於宣武場 刺史貞陵事侯我幻而顏悟神彩秀徹視日不眩裴楷 觀戲猛獸在檻中她吼震地衆皆奔走戎獨立不動神 樹在道邊而多子必是苦李取之信然阮籍素與渾為 側見李樹多實等革競趣之我獨不往或問其故我曰 色自若魏明帝於閣上見而奇之又當與羣兒戲於道 通志 平二

第一天中 四百 故吏膊贈數百萬戎辭而不受由是顯名為人短小 清實非卿倫也共卿言不如共阿戎談及渾卒於涼 問王濟曰昨遊有何言該濟曰張華善說史漢裴領論 其為識鑒者所賞如此我當與阮籍飲時死州刺史劉 前言往行家家可聽王戒談子房季札之間超然元著 他日問籍日彼何如人也答曰勝公禁不可不與飲若 视字公榮在坐籍以酒少酌不及视起無恨色戎異之 不偷威儀善發談端賞其要會朝賢當上已被洛或 卷一百二十二

尚劉喬領前鋒進攻武昌吳將楊雅孫述江夏太守劉 常侍河東太守荆州刺史坐遣吏修園字應免官韶以 贖論遷豫州刺史加建威將軍受韶伐吳我遣參軍羅 議者以為知言襲父解辟相國孫歷吏部黃門即散騎 我曰道家有言為而不恃非成功難保之難也及會敗 減公祭則不敢不共飲惟公祭可不與飲戒每與籍為 柳華意亦復易敗耳鍾會代蜀過與我别問計將安出 竹林之遊戒當後至籍日俗物已復來敗人意戒笑曰

沙芝四車全書 一

里二

得正當不欲為異耳帝雖以是言釋之然為清慎者 劉肇賂筒中細布五十端為司隸所紀以知而未納故 得不坐然議者尤之帝謂朝臣曰我之為行豈懷私哉 千足戎渡江綏慰新附宣楊威惠吳光禄熟石偉方直 春和二縣降吳平進爵安豐縣侯增邑六千户賜網六 朗各率聚詣戒降戒督大軍臨江吳牙門將孟泰以斬 不容皓朝稱疾歸家戎嘉其清節表薦之詔拜偉為議 以二千石禄終其身荆土悦服徵為侍中南郡太守

卷一百二十二

岩使一 欠 足 日華 全 書 孝耳至於王我所謂死孝陛下當先憂之我先有吐疾 或觀夹基而容貌毀悴杖然後起裴顏往界之謂人 鄙由是損名我在職雖無殊能而废績修理後遷光禄 居喪增甚帝遣醫療之并賜藥物又斷實客楊駁執政 父喪以禮法自持量米而食哀毀不踰於戎帝謂劉毅 動吏部尚書以母憂去職性至孝不拘禮制飲酒食肉 和崎毀頓過禮使人憂之毅曰崎雖寝皆食粥乃生 動能傷人溶冲不免減性之譏也時和嗎亦居 通志 무

咸奏我曰書稱三載考績三考點防幽明今內外羣官 金万口下人門 道路巧詐由生傷農害政我不仰依堯舜典謨而驅動 戎誠繇曰大事之後宜深遠之繇不從果得罪轉中書 居職未养而戎奏還既未定其優为且送故迎新相望 拜太子太傅駁誅之後東安公繇專斷刑賞威振外內 令加光禄大夫給恩信五十人遷尚書左僕射領吏部 始為甲午制凡選舉皆先治百姓然後授用司隸傅 敗風俗非徒無益乃有大損宜免戒官以敦 卷一百 ニナニ

也飼誅我坐免官齊王問起義孫秀録我於城內趙王 俗我與賈郭通親竟得不坐尋轉司徒以王政將把尚 信者神明二王聽說造構大難當賴忠謀以和不協 **期遣使就說成都王賴將誅齊王問檄書至問謂我曰** 為少年用乃止惠帝反官以我為尚書令既而河間王 孫秀作逆天子幽逼孤糾合義兵婦除元惡臣子之 倫子欲取戎為軍司博士王縣曰濬冲論許多端安肯 媚取容屬愍懷太子之廢竟無一言匡諫裴顔戒之壻 節

欠已日早 自己

通志

我偽樂發監則得不及禍我以晉室方亂慕遠伯玉之 未始有也然論功報賞不及有勞朝野失望人懷貳志 金罗巴尼石書 委權崇讓此求安之計也問謀臣葛旗怒曰漢魏以來 其善為我籌之戒曰公首舉義衆匡定大業開闢以來 虚名但與時浮沉户調門選而已尋拜司徒雖位總鼎 王公就第寧有得保妻子乎議者可斬於是百官震惊 今二王帶甲百萬其鋒不可當若以王就第不失故爵 與時舒卷無蹇諤之節自經典選未當進寒素退 卷一百二十二

た日日年日寺 收八方園田水碓周編天下積實聚財不知紀極每自 核以此獲談於世其後從帝北伐王師敗績於蕩陰戎 婚託而更責取家有好李當出貨之恐人得種乃鑽其 寧我色不悦女處還直乃歡從子將婚我遺其一單衣 執牙籌畫夜等計常若不足而又儉嗇不自奉養天下 三公也故吏多至大官道路相遇輒避之性好與利廣 謂之膏肓之疾女適裴顏質錢數萬久而未還女後歸 而委事察家問乘小馬從便門而出游見者不知其 四五

器王行神姿高徹如瑶林瓊樹自然是風塵表物謂裴 倫鑒識賞目山濤如璞玉渾金人皆飲其實莫知名其 之問親執鋒刀談笑自若未當有懼容時召親實歡好 復詣都隨帝還洛陽車駕之西遷也我出奔於郊危難 弟敦有高名戒惡之敦每候戒輒託疾不見敦後果為 **顏拙於用長首島工於用短陳道寧緩緩如東長竿族** 永日永興二年薨于如縣時年七十二諡曰元我有人 乳其鑒賞先見如此皆經黃公酒爐下過顧謂後車 卷一百二十二

金号世屋る書

た日日日日 濤嗟嘆良久既去目而送之曰何物老嫗生寧於兒然 子為嗣行字夷甫神情明秀風姿詳雅總角當造山濤 我行獲濟馬子萬有美名少而大肥我令食糖而肥愈 客口吾音與稻叔夜阮嗣宗酣暢於此竹林之遊亦預 甚年十九卒有庶子與戎所不齒以從弟陽平太守悟 将不許我勸品之及秀得志朝士有宿怨者皆被誅而 迎若山河初孫秀為琅邪郡吏求品於鄉議我從弟行 其末自嵇阮淪亡吾便為時之所羈继今日視之雖近 通志

多月四月月 從古人中求耳泰始八年部舉奇才可以安邊者行初 帝聞其名問我曰夷南當世誰為比我曰未見其比當 好論縱橫之術故尚書盧欽舉為遼東太守不就於是 之色果異之楊駿欲以女妻馬行恥之遂陽狂自免武 枯申陳事狀辭甚清辯祐名德貴重而行幼年無屈下 誤天下蒼生者未必非此人也父人為平此將軍常有 公事使行人列上不時報行年十四在京師造僕射羊 口不論世事惟雅詠元虚而已當因宴集為族人所 卷一百二十二

た足口軍官馬 舉標鄉其面行初無言引王等共載而去然心不能平 為中庶子黃門侍郎魏正始中何晏王弼等祖述老莊 年之間家質罄盡出就洛城西田園而居馬後為太子 在車中攬鏡自照調導回爾看吾目光乃在牛背上美 無往而不存者也陰陽恃以化生萬物恃以成形賢者 立論以為天地萬物皆以無為為本無也者開物成務 父卒於北平送故甚厚為親識之所借貸因以捨之數 人遷尚書即出補元城令終日清談而縣務亦理入 通志

然謂之一 喪幼子山簡书之行悲不自勝簡日孩抱中物何至於 甚重之雅裴顏以為非著論以譏之而行處之自若行 多分四月白雪 **郊選舉登朝皆以為稱首於高浮誕遂成風俗馬衍當** 同色義理有所不安隨即改更世號口中唯黃朝野翁 恃以為德不肖恃以免身故無之為用無爵而貴矣行 動當世妙善元言难談老莊為事每捉玉柄塵尾與手 既有盛才美貌明悟若神常自比子貢無聲名籍甚傾 一世龍門矣累居顯職後進之士莫不景慕放 卷一百二十二

我革簡服其言更為之動行妻郭氏賈后之親籍中官 此 になる日 ハイラ 禁時有鄉人幽州刺史李陽京師大俠也郭氏素憚之 之勢剛愎貪戾聚飲無厭好干預人事行患之而不能 措意如此後歷北軍中候中領軍尚書令女為愍懷 錢統牀使不得行行晨起見錢謂婢曰舉阿堵物却 小損行疾郭之貪鄙故口未當言錢郭欲武之令婢以 行曰聖人总情最下不及於情然則情之所鍾正在 謂郭曰非但我言卿不可李陽亦謂不可郭氏為之

到方四库全書 書陳見誣之狀形等伏讀辭旨怨惻行備位大臣應以 書又為中書令時齊王問有匡復之功而專權自恣 太子手書隐敬不出志在尚免無忠養之操宜加顯青 義責也太子被誣得罪行不能守死善道即求離婚得 奏行曰行與司徒孫王形書寫呈皇太子手與妃及行 子如太子為買后所誣行懼禍自表離婚買后廢有司 及倫篡位行陽狂研婢以自免及倫誅拜河南尹轉 以厲臣節可禁錮終身韶從之行素輕趙王倫之為人 卷一百二十二

中軍師累遷尚書僕射領吏部後拜尚書令司空司徒 海王越曰中國已亂當賴方伯宜得文武無資以任之 柳皆為之拜行獨長揖馬以病去官成都王頡以行為 以為三窟矣識者鄙之及石勒王彌冠京師以行都督 江漢之固青州有負海之險卿二人在外而吾留此足 行雖居室輔之重不以經國為念而思自全之計說東 ここりい シェー 征討諸軍事持節假黃鉞以拒之行使前將軍曹武左 乃以弟澄為荆州族弟敦為青州因謂澄敦曰荆州 有

好好四庫全書 為太傅軍事及越薨衆共推行為元師行以冠賊鋒起 衛將軍王景等擊賊退之獲其輜重遷太尉尚書令如 辭曰吾少無宦情隨牒推移遂至於此今日之事安可 難而行獨賣車牛以安衆心越之討茍師也行以太尉 故封武陵侯辭封不受時洛陽危逼多欲遷都以避 見問行以晉故行陳禍敗之由云計不在已勒甚悦之 與語移日行自說少不豫事欲求自免因勸勒稱尊號 非才處之俄而舉軍為石勒所破勒呼王公與之 相

遠未嘗語利王敦過江當稱之曰夷甫處衆中如珠玉 養曰彼晉之三公必不為我盡力何足貴乎勒曰要不 其黨孔養曰吾行天下多矣未當見如此人當可活否 鳴呼吾曹雖不如古人向若不祖尚浮虚戮力以匡天 可加以鋒刃也使人夜排牆填殺之行將死顧人言曰 勒怒曰君名盖四海身居重任少壯登朝至於白首何 下猶可不至今日時年五十六行傷秀有令望布心元 得言不豫世事邪破壞天下正是君罪使左右扶出謂

致定四庫全書

.通志

五十

ł

怒謂澄曰昔夫人臨終以小郎屬新婦不以新婦屬小 貪鄙欲令婢路上擔糞澄年十四諫郭以為不可郭 子生而警悟雖未能言見人舉動便識其意行妻郭 氣荒與之時人情不附將赴祖巡為盗所害馬澄字平 衛玠齊名首藩用為陳留太守屯尉氏元素名家有豪 其為人所尚如此子元字眉子少慕簡曠亦有俊才與 在瓦石間顧愷之作畫赞亦稱行嚴嚴清時壁立千仍 福將杖之澄爭得脫踰電而走行有重名 老一百二十二 長史以迎大駕煎封南鄉侯遷建威將軍雅州刺史不 日兄形似道而神峯太儁行曰誠不如卿落落穆穆然 顏乃誅之士庶莫不稱善及顏敗東海王越請為司空 也澄由是顯名有經澄所題目者行不復有言輕云戶 於世時人許以人倫之鑒尤重澄及王敦庾敦當為天 經平子矣少歷顯任累遷成都王類從事中即類嬖賢 下人士目曰阿平第一子嵩第二處仲第三澄嘗謂行 玖踏殺陸機兄弟天下切齒澄發玖私姦勸賴殺玖

次定四車全套

通志

臨 而內實動俠以此處世難得其死澄點然不答澄既至 澄將之鎮送者傾朝澄見树上鵲巢便脫衣上树探 而美之神氣蕭然傍若無人劉親謂澄曰卿形雖散 節都督領南蠻校尉敦為青州行因問以方略敦曰當 窮惟極好惠帝末行白東海王越以澄為荆州刺史持 之職時王敦謝鯤度毀阮修皆為行所親善號為四友 事制變不可預論澄辭義鋒出等暑無方一坐嗟服 亦與澄押又有光逸胡母輔之等亦豫馬耐燕縱誕 卷一百二十 朗

多りょ

之已日巨百 逼澄率衆軍將赴國難而飄風折其節柱會王如冠裏 陽澄前鋒至宜城遣使詣山簡為如黨嚴髮所獲疑為 鎮日夜縱酒不親庶事雖冠我急務亦不以在懷擢 之竟不能進巴蜀流民散在荆湘者與土人您爭遂殺 散泉而還既而恥之託糧運不贍委罪長史蔣俊而斬 山簡乃陰緩澄使令得亡去澄聞襄陽陷以為信然 (郭舒於寒悴之中以為別駕委以州府時京師危 (從襄陽來而問之曰寒陽技未答云昨且破城户 通志 至二 順

許之既而襲之於寵洲以其妻子為賞沉八千餘人於 縣令屯聚樂鄉澄使成都內史王機討之賊請降澄 取其家資以賜郭舒南平太守應詹縣諫不納於是上 南破零桂東掠武昌敗王機於巴陵澄亦無憂懼之 江中於是益梁流民四五萬家一 但與機日夜縱酒投壺博戲數十局俱起殺富人李才 改次于作塘山簡參軍王冲叛于豫州自稱 離心內外怨叛澄望實雖損猶傲然自得後出軍 卷一百二十二 時俱反推杜改為主 意 偽

金月口屋台書

にこうえ こい 史澄懼使杜雜守江陵澄遷於孱陵尋奔沓中郭舒諫 澄使司馬母邱邀討之為遂所敗會元帝徵澄為軍 遂壞故吏也託為壞報仇遂舉兵逐曾自稱平晉將軍 為其郡夷所害壞以孤軍引還澄怒以杜曾代壞夷奏 郡同討杜弢天門太守扈瓌次于益陽武陵內史武察 兵足以擒取小虜奈何自棄澄不能從初澄命武陵諸 使君臨州雖無異政未失衆心今西收華容向義之 酒於是赴召時王敦為江州鎮豫章澄過韵敦澄宿 画 社

敦所憚澄猶以舊意悔敦敦益忿怒請澄入宿陰欲 有盛名出於敦右士庶莫不傾慕之無勇力絕人素為 行事如此殃將及馬敦令力士路戒益殺之時年 敦欲入內澄手引敦衣至於絕帶乃登于梁因罵 觀之因下牀而謂澄曰何與杜改通信澄曰事自 以自防故敦未之得發後敦賜澄左右酒皆醉借 而澄左右有二十 餘人持鐵馬鞭為衛澄手恒捉 死數日澄自取之及

多好四库全書

| 欽定四庫全書 | 弘卒舒率將士推弘子璠為主討逆賊郭勘滅之保全 行幻請其母從師歲餘便歸粗識大義鄉人少府范晷 刺史宗岱命為治中喪母去職劉引牧荆州引為治中 夏侯含辟為西曹轉主簿含坐事舒自繁理含事得釋 本官諡曰憲長子詹早卒次子微右軍司馬郭舒字稚 宗人武陵太守郭景咸稱舒當為後來之秀終成國器 平澄故吏佐著作即桓稚上表理澄請加贈諡詔復澄 始為領軍校尉坐擅放司馬彪緊廷尉世多義之刺史 見き 五十四

別為狂邪莊言我醉因遣掐其鼻炎其眉頭舒跪而受 重其忠亮判土士人宗厥當因酒忤澄澄怒叱左右棒 麼舒厲色謂左右日使君過醉汝軍何敢安動澄意日 境澄以亂自京都起非復一 意舒常切諫之及天下大亂又勘澄修德養威保完州 又欲將舒東下舒曰舒為萬里紀綱不能匡正令使)澄意少釋而廠遂得免澄之奔敗也以舒領南郡 州王澄聞其名引為別為澄終日酣飲不以泉務在 老一正 一州所能匡禦雖不能從然 澄

奔亡不忍渡江乃留屯池口采稆湖澤以自給鄉人 食舒牛事覺來謝舒曰鄉飢所以食牛耳餘內可共啖 遣舒監襄陽軍甘卓至乃還朝廷徵舒為右丞敦留不 衙之至是澄又轉舒為順陽太守曾密遣兵襲舒通逃 之世以此服其引量舒少與杜曾厚實當召之不往曾 得免王敦召為參軍轉從事中即襄陽都督問訪卒敦 遣敦謀為逆舒諫不從使守武昌荆州別駕宗澹忌舒 才能數踏之於王興與與中中同密以白敦敦不受 通志 五十五

敦 髙官督馥繆坦當請武昌城西地為營太守樂凱言 仲 在也告堯立誹謗之木舜置敢諫之鼓然後事無 敢言舒曰公聽舒一言敦曰平子以卿病狂故拍鼻 曰百姓人買此地種菜自膽不宜奪之敦大怒 眉 公為勝堯舜邪乃逆 頭傷疾復發邪舒曰古之狂 不來江湖當有武昌地不而人云是我地界 何言舒曰繆坦可 老一百 不得言何與古 也直局昌汲頭朱雲 相 凱 回 惶

欠已日日上 樂廣字彦輔南陽清陽人也父方參魏征西將軍夏候 給賜轉豐數詣其家表為凉州刺史病卒 無知者性冲約有遠識寡皆然與物無競尤善談論每 曰向見廣神姿則徹當為名士卿家雖貧可令專學必 元軍事廣時年八歲元當見廣在路因呼與語還謂方 以舒等不敢不言敦即使還地衆咸壯之敦重舒公亮 以殭凌弱晏子稱君曰其可臣獻其否以成其可是 興卿門户也方早卒廣孤質僑居山陽寒素為業 通志 五十六

逮與魏正始中諸名士談論見廣而奇之曰自告諸賢 造馬日此人之水鏡見之瑩然若披雲霧而覩青天 買充遂辟太尉掾轉太子舍人尚書令衛瓘朝之者舊 王衍自言與人語甚簡至及見廣便覺已之煩其為 廣共談自夕申旦雅相欽挹嘆曰我所不如也王戎為 沒當恐微言將絕而今乃復聞斯言於君矣命諸 刺史聞廣為夏侯元所賞乃舉秀才稍又薦廣於

金少口匠

177

以約言析理以厭人之心其所不知點如也聚楷當

一百二十二

者所嘆美如此出補元城令遷中書侍郎轉太子中 といりました 意盃中蛇即角影也復置酒問客曰酒中復有所見 惡之既飲而疾于時河南聽事壁上有角漆畫作蛇廣 問其故答曰前在坐蒙賜酒方欲飲見盃中有蛇意甚 岳因取次比便成名筆時人成云若廣不假岳之筆岳 潘岳為表岳日當得君意廣乃作二百句語述已之志 子累遷侍中河南尹廣善清言而不長於筆將讓尹請 取廣之白無以成斯美也當有親客外闊不復來廣 545

膏肓之疾廣所在為政無當時功譽然每去職遺受為 多好也 聞故命駕為剖析之玠病即愈廣嘆曰此賢智中必無 夢豈是想那廣曰因也玠思之經月不得遂以成疾廣 答曰所見如初廣乃告其所以客豁然意解沉痾頓愈 心事外名重於時故天下言風流者謂王樂為稱首馬 矣人有過先盡弘恕然後善惡自彰矣廣與王衍俱宅 衛玠總角時當問廣夢廣口是想孙曰神形所不接而 所思几所論人必先稱其所長則所短不言而自見 月全書 卷一百二十二

欽定四庫全書 物動有理中皆此類也值世道多虞朝章紊亂清已中 者廣間而笑曰名教內自有樂地何必乃爾其居才愛 香自及卿然髭亦清出準笑曰我二兒之優劣乃裴樂 之矣是時王澄胡母輔之等皆亦任放為達或至裸體 準使先前裝顏顏性弘方愛喬有高韻謂準曰喬當及 之優劣也論者以為喬雖有高韻而神檢不足樂為得 柳髦小減也又使詣廣廣性清純愛髮有神檢調準曰 少與引農楊準相善準之二子曰喬曰髦皆知名於世 通志

五十八

之其怪亦絕怒懷太子之廢也的故臣不得辭送衆官 左右皆驚廣獨自若顧見牆有孔使人掘牆得裡而 今若係之是彰太子之善不如釋去諡然其言廣故 不勝憤嘆皆同禁拜辭司隸校尉滿奮物河南中 多妖怪前尹皆不敢處正寢廣居之不與當外户自 前以太子罪惡有斯廢點其臣不懼嚴的胃罪而 拜者送獄廣即便解遣衆人代廣危懼孫琰說買 任誠保素而已時人莫有見其際馬先是河南官 卷 E 部 謐 閉 送 枚 舎

阪定四車全書 大司馬齊王旅參縣騎軍事肇字弘茂太傅東海王禄 首藩聞廣之不免也為之流涕三子凱肇謨凱字弘緒 答曰廣豈以五男易一女人循以為疑廣竟以愛疾卒 洛陽陷兄弟相携南渡江謨字弘範征虜将軍吳郡內 位時人美之成都王顏廣之壻也及與長沙王人遺難 而廣既處朝望羣小讒謗之人以問廣廣神色不變徐 為右僕射領吏部代王戎為尚書始戎薦廣而終踐其 不坐遷吏部尚書左僕射後東安王縣當為僕射轉廣 通志

為不亡矣隨叔父渾避難江東時華歌為豫章太守運 性清正時濟陰魏風為相國豫名重當世表同郡任覽 往依之歌素與泰善撫養衰如己子年十七乃還鄉 ノショノて 與結交表以祖奸雄終以為禍勘覽遠之及祖敗論者 鄭家字林叔榮陽開封人也高祖衆漢大司農父泰揚 馬魏武帝初封諸子為侯精選賓友哀與徐幹俱為 刺史有高名表少孤早有識鑒首攸見之日鄭公業 卷一百二十二 炎之四軍之馬 王子雅繼踵此郡世不乏賢故復相屈表在廣平以德 日賢叔大匠垂稱於陽平魏郡百姓衆惠化且盧子家 將軍從事中即拜散騎常侍會廣平太守缺宣帝謂表 高陽許允扶風魯芝東萊王基朗皆命之後咸至大位 臨淄侯文學轉司隸功曹從事司空王朗辟為採裹舉 屬城特見甄異為諸縣之最遷尚書右丞轉濟陰太守 有重名衰遷尚書即出為黎陽令吏民悦服太守班 下車旌表孝悌敬禮賢能與立庠序開誘後進調補大 通志

六十

中領軍王肅曰雅不見鄭光禄為恨肅以語表表自與 景帝自出征之百官祖送於城東家疾病不任會帝 追帝及於近道帝笑曰故知候生必來也遂與表共載 迎於元城封廣昌亭侯徙光禄數領宗正母邱儉作 路問遷少府高貴鄉公即位表與河南王肅備法為奉 化為先善作條教郡中愛之徴拜侍中百姓戀慕涕泣 計將何先表日昔與儉俱為臺即特所知悉其人 不達事情自者建熟幽州志望無限文欽勇而無

金グロル人

遣五官中郎將國坦就第拜授表前後群讓遣息稱 EN TOTAL LINE 年而時賢並相推薦泰始中部以表為司空天子臨軒 五等初建封密陵伯武帝踐作進爵為侯雖寢疾十 邑千户景元初疾病失明屢乞骸骨不許拜光禄大夫 算今大軍出其不意江淮之卒銳而不能固深溝高壘 至公輔大位及常道鄉公立與議定策進封安成鄉 立明堂辟雅精選博士表舉劉毅劉定程成度峻後並 以挫其氣此亞夫之長也帝稱善轉太常高貴鄉公議 通步

襲錢三萬絹布各百足以供喪事諡曰元有子六 薨時年八十五帝於東堂發哀賜秘器朝服 拜儀同三司置舍人官騎賜牀帳軍褥錢五十萬九 侍中受詔譬自徐公語吾曰三公當上應天心茍非其 遵大雅君子之迹可不務乎固辭处之見許以侯就第 人實傷和氣不敢以垂死之年累辱朝廷也終於不就 點嗣次質舒朗稱予位並列卿點字思元起家秘書 印綬至於十數謂坦曰魏以徐景山為司空吾時 具衣

多分匹

庫全書

卷一百二十二

· 於定四車全書 一 東郡太守值歲荒人飢點期開倉販給乃舍都亭自表 待罪朝廷嘉黙憂國詔書褒嘆比之汲照班告天下岩 左長史武帝受禪與太原郭实俱為中庶子朝廷以太 子官屬宜稱陪臣默上言皇太子體皇極之尊無私於 郡縣有此比者皆聽出給入為散騎常侍初帝以貴公 天下宫臣皆受命天朝不得同之藩國事遂施行出為 紧別矣轉尚書考功即專典代蜀事封関內侯遷司徒 即考聚舊文刑省浮穢中書令虞松謂曰而今而後朱 通志 六十二

<u>飲共舉點文帝與默書日小兒得則賢子之流愧有竊</u> 子當品鄉黨其敢與為軍求之州內於是十二郡中正 賢之累及武帝出祠南郊使默勝乘因謂點曰卿知何 職政事之宜明慎點既勸戒之由崇尚儒素化導之本 對曰勸穑務農為國之基選人得才濟世之道居官义 得慘乘乎告州里舉卿相革常愧有累清談遂問政事 如此而已矣帝善之後以父丧去官尋起為廷尉是時 馬令表毅坐交通貨路大與刑獄在朝多見引速难默 卷一百二十二 沙定四車全書 官尋拜大鴻臚遭母喪舊制既葬還職點自陳慰至人 崇錫典制博士祭酒曹志等並立異議默容過其事免 司農轉光禄勲太康元年卒時年六十八諡曰成尚書 令衛瓘奏點才行名望宜居論道五升九卿位未稱德 教重柔而能整皆此類也及齊王攸當之國下禮官議 親為博士謂默曰卿似尹翁歸令吾不敢復言默為人 而見許遂改法定令聽大臣終喪自點始也服関為太 兄弟以察慎不染其流遷太常時僕射山壽欲舉 通志 六十三

字子瑜少辟宰府入侍二宫成都王為大將軍起義討 讀傷不疑傳常想其為人畏遠權貴英世所守遂群之 不加聲色而猶有嫌怨故士君子以為居世之難子球 駿深為恨至此駁議不同遂 不施行點寬冲博愛讓虚 宜贈三司而后父楊駿先欲以女妻默子豫默曰吾每 王倫球自頓邱太守為右長史以功封平壽公累遷 謹不以才地於物事上以禮遇下以和雖懂豎厮養 尚書散騎常侍中護軍尚書右僕射領吏部永嘉 卷一百 孝莫大於無後勸使娶妻既生允遂絕房室常如居喪 其父同年者亡因喪制服燕國徐邈與之同州里以 尚書 服則疑父尚存情者居丧而不聘娶後有鄰居故人 知所終允父信追求積年浮海出塞無所見欲行喪制 李允字宣伯遼東襄平人也祖敏漢河南太守去官眾 二年卒追贈金紫光禄大夫諡曰元球弟豫永嘉末為 里遼東太守公孫度欲彊用之敏乘輕舟浮滄海首

段定四車全書 一

通志

六十四

絕百官憚之伐蜀之役為西中即將督関中諸軍事後 太守文帝引為大將軍從事中即遷御史中丞恭恪直 中護軍司馬吏部郎銓綜魚平賜爵関內侯出補安豐 庶參鎮北軍事選樂平侯相政尚清簡入為尚書即選) 沈寒言以有則初仕郡上計樣州辟部從事治中舉孝 以事之由是以孝聞容親質素類然若不足者而智度 禮不堪其憂數年而卒允既幻而孤母又改行有識之 後降食哀戚亦以喪禮自居又以祖不知存亡設木主

為 NAJO IMI JEST **異無以加也自今以往國有大政可親延羣公詢納讀** 言其軍國所疑延詢省中使侍中尚書語論所宜若 為古者三公坐而論道內參六官之事外與六卿之教 明垂心萬機猥發明路儀刑古式雖唐堯疇諮問文異 或處三槐無聽掛訟稽疑之典謀及卿士陛下聖德欽 射尋轉太子少傅韶以允忠允高亮有匪躬之節使 河南尹封廣陵伯泰始初拜尚書進爵為侯允奏以 不任親會臨時遣侍臣訊訪詔從之遷吏部尚書 有

臣多有軟勞宜有登進乃上疏遜位帝不聽遣侍中宣 為司徒在位五年簡亮持重稱為任職以吳會初平 帝聞之賜錢十萬其後帝以司徒舊丞相之職的以允 特進如故允雖歷職內外而家至貧儉兒病無以市藥 素贏不宜外勞之轉拜侍中加特進俄遷尚書令侍中 東宫帝以司隸事任峻重而少傅有旦夕輔尊之務九 **多**庆 中 库 全 書 武帝以二職並須忠賢故每不許咸寧初皇太子出居 領司隸校尉允屢自表讓恭傅儲官不宜無監司之官 卷一百二十二

10/0.) [Int [/. L.] 盧欽字子若范陽涿人也祖植漢侍中父無魏司空世 卒固子志嗣爵志字彦道歷位散騎侍即建威將軍陽 平太守真長位至太僕卿修黄門侍郎太弟中庻子 彭灌並履忠清儉身殁家無餘積賜允家錢二百萬穀 誄之文義甚美帝後思允清節詔曰故司徒李允太常 部遣御史持節監喪致祠諡曰成皇太子命舍人王對 干斛灌家半之三子固真長修固字萬基散騎郎先九 **有優詔敦喻絕其章表允不得已起視事太康三年薨**

甚有稱績徴拜散騎常侍大司農遷吏部尚書進封大 為侍御史襲父爵大利亭侯累遷琅邪太守宣帝為太 梁侯武帝 受禪以為都督沔北諸軍事平南將軍假節 傅辟從事中即出為陽平太守遷淮北都督伏波將軍 將軍曹與辟為豫與弟當有所屬請欽白與子弟不宜 以儒業顯致清澹有遠識篤志經史舉孝蔗不行魏大 干犯法度與深納之而罰其弟除尚書即與誅免官後 |鋒的車各一乘第二尉馬二乘騎具刀器御府人 老一百二十二

銀定四庫全書

ביל ומו כוליתו 基衛將軍盧欽典領軍將軍楊囂並素清貧身發之 尚書僕射加侍中奉車都尉領吏部以清省特賜網 馬趙等及錢三十萬飲在鎮寬猛得中疆場無虞入為 居無私積項者飢饉聞其家大匱其各賜穀三百斛欽 無所庇特賜錢五十萬為立第舍復下詔曰故司空王 十萬諡曰元又以欽忠清高潔不管產業身及之後家 府儀同三司賜秘器朝服一具衣一襲布五十匹錢三 匹欽舉必以才稱為庶平咸寧四年卒的贈衛將軍開 通志 六十七

銀定四庫全書 營貨産動循禮典妻亡制廬杖終喪居外所著詩賦論 志計事志曰趙王無道肆行篡逆四海人神莫不慎怒 才量委以心齊遂為謀主齊王問起義遣使告賴賴召 書監皆不就欽弟廷字子笏衛尉卿廷子志字子道初 難數十篇名曰小道子浮嗣浮字子雲起家太子舍人 病疽截手遂廢然朝廷器重之以為國子博士祭酒秘 歷宰州郡不尚功名雅以平理為務禄俸散之親故不 公府掾尚書即出為鄴令成都王顏之鎮鄴也愛其 卷一百二十二

足巴可見 二十 敗士衆震駭議者多欲還保朝歌志曰今我軍失利敵 參軍仍補左長史專掌文翰詞前鋒都督趙驤為倫所 凶逆必有征無戰然兵事至重聖人所慎宜在賢任才 不意此用兵之奇也類從之及倫敗志勸類曰齊王衆 新得勝必有輕易陵樂之情若頓兵不進三軍畏鄉懼 以收時望賴深然之改選上佐高辟掾屬以志為諮議 今殿下總率三軍應期電發子來之衆不召自至帰夷 可用且戰何能無勝負宜更選精兵星行倍道出賊 通志

為武彊侯 齊王徐結四海之心此計之上 不俱處功名不共立今宜因太妃微疾求還定省推崇 勲其之與比而齊王今當共大王共輔朝政志聞 二王树 委重於同由是類獲四海之譽天下歸心朝廷封 百萬與張沿等相持不能决大王選得濟河此之大 朝權遂懷觖望之心以長沙王又在內 類儲副遣報類類將應之志正諫不從及 加散騎常侍及河間王顒納李含之說欲內 卷一百二十二 也 類約之遂以母疾還 兩 冏 雄

多月

四月全書

九足日華 在日 輿敗於蕩陰詞遣志督兵迎帝及王浚攻鄴志勸詞奉 皇祚之大勲及事平歸功於齊辭九錫之賞不當朝政 朝廷許之會昌等平乃廻兵以討义志諫曰公前有復 顏不納及义死賴表志為中書監留鄴參署相府事乘 莫不荷賴矣逆冠縱肆猾擾荆楚今公婦清羣難南土 之權振陽程飢民难黃橋白骨皆盛德之事四海之人 您其所欲密欲去又時荆州有張昌之亂 頹表求親 征 以寧振旅而旋頻軍関外文服入朝此霸王者之事也 通志: 文九 -- --

營陳間尋索得數乘應車司馬督韓元次集黃門得 有道士姓黄號日聖人太妃信之及使呼入道士求兩 天子還洛陽時甲士尚萬五千人志夜部分至晚衆皆 酒 子諡兄子綝殿中虎賁千人而已志復勸韻早發時 列而程太妃戀郭不欲去詞未能决俄而果潰难 人志入帝問志曰何故散敗至此志曰賊去鄴尚 飲記抛杯而去於是志計始决而人馬復散志於 朝駭散太弟今欲奉陛下還洛陽帝曰

金厂厂匠

47

卷一百

烫定四車全書 通志 敢進縱兵虜掠密謀遷都長安將焚宗廟官室以絕 奮為司隸校尉奔散者多還百官粗備帝悦賜志絹二 心志說方曰昔董卓無道焚焼洛陽怨毒之聲百年猶 起兵遣右將軍張方救鄰方聞成都軍敗頭兵洛陽不 百足縣百斤衣一襲鶴翎袍一領初河間王關聞王後 天子宜下赦書與百姓同其休慶既達洛陽志啓以満 甚佳於是御犢車便發屯騎校尉郝昌先領兵八千守 洛陽帝召之至汲郡而昌至兵杖甚盛志喜於復振啓

志侍 長安未至而聞題斬張方求和於越顏住華陰志進長 鎮行達洛陽而平昌公模遣前鋒督護馮萬距賴頹還 顒 啓帝復類還難以志為魏郡太守加左將軍隨賴 從至長安詞被點志亦免官及東海王越奉迎大駕 何為襲之乃止方遂偪天子幸其壘帝垂泣就與唯 閥陳謝即還就賴於武関復為劉陶所驅廻站 雅知盡微誠不離左右而已停方 型三日便西志 側回陛下今日之事當一 卷一百二十二 從右將軍臣為法無所

次定四車全馬 等俱遇害於平陽長子甚字子諒清敏有理思好老莊 為軍豁祭酒遷衛尉永嘉末轉尚書洛陽沒志將妻子 與志俱為劉粲所虜聚據晋陽留甚為參軍現收散卒 善屬文選尚武帝女榮陽公主拜尉馬都尉未成禮而 引荷盧騎還攻粲粲敗走甚得赴現先父母兄弟在 **北投并州刺史劉琨至陽邑為劉粲所虜與次子盜詵** 公主卒後州舉秀才辟太尉掾洛陽沒隨志北依劉 及賴完官屬奔散唯志親自殯送時人嘉之越命志 通志

載石虎攻破遼西復為虎所得以為中書侍即國子祭 現投段匹磾匹磾自領幽州取甚為別駕匹磾既害現 陽者悉為劉聰所害現為司空以甚為主簿轉從事中 於是即加另祭累徵甚為散騎中書侍即而為未波 タリー 初末波通使於江左甚因其使抗表理現文句甚切 亦敗喪時南路阻絕段末波在遼西甚往投之元帝 現妻即甚之從母既加親愛又重其才地建興末隨 不得南渡末波死弟遼代立語流離世故且二 /: TIT 卷一百

中郎後為末波佐史沒石氏亦居大官其綽憲暢並別 魏司空林曾孫劉琨妻之姪也與諶俱為琨司空從事 事中即爾撰祭法注莊子及文集皆行於世悦字道儒 · 首綽河東裴憲北地傅暢並淪陷非所雖俱顯於石氏 恒以為唇甚每謂諸子曰吾身沒之後但稱晉司空從 才萬行察為一時所推值中原喪亂與清河崔悦賴 害時年六十七是歲永和六年也甚名家子早有聲譽 酒侍中中書監屬再関誅滅石氏甚隨関軍於襄國遇

次足四軍全島 一

通志

七十二

金グロ 有老成之美外幹王事静恭匪懈而以疾固群章表惡 觀陽伯坐供給丧事不整免泰始中拜太子少傅轉光 表年二十拜散騎黃門即累遷侍中正元初石苞來朝 華表字偉容平原高唐人也父歌清德高行為魏太尉 有傅 禄熟遷太常卿數歲以老病乞骸骨部曰表清貞履素 作頻稱疾歸下含故免於大難後遷尚書五等建封 稱高貴鄉公以為魏武更生時間者流汗沾背表懼 Ţ 卷一百二十二

尺已回車 八元 常侍前軍將軍侍中南中即將都督河北諸軍事父疾 泰始初遷冗從僕射少為武帝所禮歷黃門侍郎散騎 咸寧元年八月卒時年七十二諡曰康詔賜朝服有六 選難舉親如故興年三十五不得調晚為中書通事 子與岑崎鑒澹簡與字長殿弘敏有才鼓妻父盧瓠典 王宏等並嘆美表清澹退静以不可得貴賤而親陳也 禄賜與卿同門施行馬表以苦節垂名司徒李九司禄 至令聽如所上以為太中大夫賜錢二十萬狀帳褥席 通艺 七十三

責最所親者一人因指属當之又緣属有違迕之咎遂 於喪服中免與官削爵土大鴻臚何遵奏與免為庶人 貸財致罪獄辭迷謬不復顯以奴代客直言送三 為朝還仍遭喪舊例葬記復任與固辭还白初表有賜 與不許為恨因密啓帝以表毅貨財者多不可盡罪宜 **廙而毅亦盧氏壻也又中書監荀勗先為中子求廙女** 客在馬使與因縣令表毅録名三客各代以奴及殺 應襲封請以表世孫混嗣表有司奏曰與所坐除 卷一百二十二 奴與

多月四月全書

皆以贖論混以世孫當受封逃避斷疑陽狂病看不能 钦定四車全書 能將明此意乃更能易禮律不顧憲度君命廢之而羣 罰再加且吾之責與以肅貪穢本不論常法也諸賢不 年 終身棄罪廢之為重依律應聽襲封部曰諸侯薨子瑜 罰再加諸侯犯法八議平處者褒功重爵也嫡統非犯 下復之此為上下正相反也於是有司奏免議者官部 削爵一時之制與為世子著在名簿不聽襲嗣此為刑 即位此古制也應即位而廢之爵命皆去矣何為罪 八 .通:志

舊太康初大赦乃得襲封处之拜城門校尉遷左衛將 唐蘭於宅側帝當出視之問其故左石以實對帝心憐 軍數年以為中書監惠帝即位加侍中光禄大夫尚書 少傅加散騎常侍動遵禮典得傅尊之儀後年衰病為 令進爵為公應楊駁召不時還有司奏免官尋遷太子 之帝後又登陵雲臺望見與首精園阡陌甚整依然感 故得不拜世成稱之與棲運家老垂十載教誨子孫 誦經典集經書要事名曰善文行於世與陳總共造

恒以選為太子賓客賜爵関內侯食邑百户辟司徒王 恒混字散倫嗣父爵清貞簡正位侍中尚書卒官子園 稱尚武帝女榮陽長公主拜尉馬都尉元康初東宫建 俱避賊至臨賴父子並遇害恒字故則博學以清素為 以為恨故遂不登台司年七十五卒諡曰元三子混薈 部遣太醫療病進位光禄大夫開府儀同三司時河南 尹韓壽因托賈后求以女配與孫陷與距而不許后深 補輩令沒於石勒養字敬权為河南尹與首藩首組 通志

沙定四車全書 一

ナナ五

導導言於帝帝曰兄弟罪不相及况羣從乎即名恒 多り 及時羣賊方盛所在州郡相繼奔敗恒亦欲棄郡東 領軍加散騎常侍愍帝即位以恒為尚書進爵苑陵 公頃之劉聰逼長安詔出恒為鎮軍將軍領賴 渾倉曹掾屬除散騎侍即遷散騎常侍北軍中候俄 為 從兄軼為元帝所誅以此為疑先書與驃騎將軍 t 熟恒到未及拜更以為衛將軍加散騎常侍本 外接恒興合義軍得二千人未及西赴而關中 1:1 卷一百二十 川太守 補 拜 渡 陷

欠己日日 八子 將軍加散騎常侍督石頭水陸諸軍事王敦表轉恒為 此修立司徒首組驃騎將軍王導同恒議遂定郊祀尋 議須還洛乃修郊祀恒議漢獻帝居許即便郊柴宜於 大中正尋拜太常議立郊祀尚書刀協國子祭酒杜奏 **護軍疾病不拜授金緊光禄大夫又領太子太保成帝** 以疾求解詔曰太常職主宗廟烝當敬重而華恒所疾 不堪親奉職事夫子稱吾不預祭如不祭况宗伯之任 所司邪令轉恒為廷尉頃之加特進太寧初遷驃騎 通志 セナバー

金グロ 讓在峻軍中任勢多所殺害見恒朝恭敬不肆其虐種 常蘇峻之亂恒侍帝左右從至石頭備履艱危困悴踰 推尋舊典撰定禮儀并郊廟辟雅朝廷軌則事並 劉超之死亦將及恒讓盡心救衛故得免及帝加 初恒為州大中正鄉人任讓輕薄無行為恒所點及 又將納后冠難之後典籍靡遺婚冠之禮無所依據 加散騎常侍領國子祭酒咸和初以愍帝時賜 皆削除恒更以討王敦功封苑陵縣侯復領太

久已日日 A. 更拜散騎常侍典中書著作領國子博士遷侍中太康 唯有書數百卷時人以此貴之子俊嗣為尚書郎俊子 六十九冊贈侍中左光禄大夫開府諡曰敬恒清恪儉 爵關內侯遷太子中庻子出為安平太守辭親老不行 將軍辟為孫屬補尚書即轉車騎從事中即泰始初賜 素雖居顯列常布衣旅食年老彌篤死之日家無餘財 用遷左光禄大夫開府常侍如故固讓未拜會卒時年 仰之大長秋崎字权駿才學深博少有令問文帝為大 通志 セナセ

於孝獻一百九十五年為帝紀十二卷皇后紀二卷十 即典官制事由是得福觀秘籍遂就其緒起於光武終 皆典統之初嗎以漢紀煩穢既然有改作之意會為臺 散騎著作及治禮音律天文數術南省文章門下撰集 末武帝頗親宴樂又多疾病屬小廖崎與侍臣表賀因 封樂鄉侯遷尚書後以屬博聞多識屬書典實有良史 微有諷諫帝手詔報之元康初封宜昌亭侯誅楊駿改 之志轉私書監加散騎常侍班同中書寺為內臺中書 卷一百二十二 次**尼**四華全馬 通志 典十卷傳七十卷及三譜傳序目錄凡九十七卷嶠以 十萬言其所奏官制太子宜還官及安邊零祭明堂母 傅列上通講事遂施行嶠所著論議難駁詩賦之屬數 録之風藏之秘府後太尉汝南王亮司空衛瓘為東宫 易為后如紀以次帝紀又改志為典以有堯典故也而 皇后配天作合前史作外戚傳以繼末編非其義也故 太常張華侍中王濟咸以幡文質事核有遷固之規實 改名漢後書奏之詔朝臣會議時中書監首弱令和嗎

思所者文章數萬言遭冠亂避難荆州為賊所害時年 少子暢為佐著作即克成十典并草魏晋紀傳與著作 子徹為佐著作即使踵成未竟而卒後監繆微又奏嶠 十餘卷嶠有三子頤徹暢頤嗣官至長樂內史暢有才 率常沈醉所撰書十典未成而終秘書監何砌奏嗎中 秋事多施行元康三年卒追贈少府諡曰簡嶠性皆酒 雅沒導河渠巡禹之舊迹置都水官修難宮之禮置長 即張載等俱在史官永嘉喪亂經籍遺沒嗎書存者二

卷一百

大足四年 白語 憚之出為并州刺史假節發匈奴中郎將武帝受禪封 堂陽子入為司隸校尉轉尚書時泰凉為虜所敗遣繁 歷尚書即侍御史尚書左丞御史中丞多所糾正朝廷 都督隴右諸軍事坐論功虚偽免官後為鎮南將軍豫 石鑒字林伯樂陵厭次人也出自寒素雅志公亮仕魏 刺史坐討吳賊虚張首級部遣歸田里終身不得復 勿削爵土外之拜光禄大夫復為司隸校尉稍 通志

金ラフロ 之遣人密覘視亮已別道還許昌於是嚴止論者稱之 鑒與中護軍張的監統山陵時大司馬汝南王亮為太 討亮的駿甥也便率所領催鑒速發鑒以為不然保 **駿駿大懼白太后今帝為手部部鑒及張的使率陵兵** 傅楊駿所與不敢臨喪出營城外時有告亮欲舉兵討 部令會遂以為常太康末拜司空領太子太傅武帝崩 進遷右光禄大夫開府領司徒前代三公冊拜皆設小 會所以崇室輔之制也自魏末已後廢不復行至鑒有 1.1.1 卷一百二十二

封歷屯騎校尉 慨自遇者少年時人美之尋完諡曰元子陋字處賤襲 山陵記封昌安縣侯元康初為太尉年八十餘克壯慷

温美字長卿太原祁人漢護羌校尉序之後也祖恢魏 揚州刺史父恭濟南太守兄弟六人並知名於世號曰 六龍美少以則悟見稱齊王攸辟為掾遷尚書即惠帝 政以美攸之故吏意特親之轉吏部尚書先是張華 位拜豫州刺史入為散騎常侍累遷尚書及齊王問

たれる 日本

通志

人 !! 帝尊同皇極罪在枉子事不為逆義非所討今以華不 為已死亡非其親既誰能任之里克之殺二庻陳乞之 金万口屋白雪 况今皇后踏害其子內難不預禮非所任且后體齊於 主見存而得行其志於數月之內也式乾之會張華獨 立陽生漢朝之誅諸吕皆積年之後乃得歷事未有事 諫上军不和不能乘風贊善望其指塵從命不亦難乎 天子已下争臣各有差不得歸罪於一人也故晏子曰 被誅問建議欲復其官爵論者或以為非美駁之曰自 卷一百二十二

九十日日日 江北日 將軍范陽王旭敗於許昌也自牧真州美乃避之惠帝 曰元有三子祗允裕祗字敬齊太傅西曹掾九字敬咸 義不經通也華竟得追復爵位其後以從駕討成都王 能廢枉子之后與趙盾不討殺君之罪同而貶責之於 之幸長安以美為中書令不就及帝還洛陽徵為中書 **詞有功封大陵縣公邑千八百户出為其州刺史加後** 加散騎常侍未拜會帝崩懷帝即位遷左光禄大夫 府領司徒論者食謂為速在位未幾病卒贈司徒該 通志

